

Christian Klein

**Applausus Votivus Quo Fascibus Consularibus Viri ... Dn. Wolhardi Stinten/  
antea Senatoris, nunc Consulis Urbis Rostochii eminentissimi Fautoris &  
Maecenatis sui summi, summe honorandi Ao. 1663. 31 Ianuarii**

Rostochii: Richelius, 1663

<http://purl.uni-rostock.de/rosdok/ppn774669721>


Druck Freier  Zugang




Redecker, H. R.

in W. Stindt.

Rostock, 1661.







Applausus Votivus

Qvo

Fascibus Consularibus

*Viri Amplissimi, Spectatissimi, Doctissimi*

**DN. WOLHARDI Stinten/**

antea Senatoris, nunc Consulis Urbis Rostochii

eminentissimi Fautoris & Macenatis sui summi,

summe honorandi A<sup>o</sup>. 1663.

31 Januarij.

*Acclamat*

**CHRISTIANUS Rlein Rost.**

LL. St.

— ( : —

**ROSTOCHII**

Typis Johannis Rehelii, Senat. Typogr.



DR. WOLFGANG DI GIANNI  
CHRISTIANUS  
ROSTOCK



Sol qui quadrijugis orbem moderatus habenis  
In sua perpetuò discernis tempora flexu  
Surgito nunc meliore comâ, nunc aureus igne  
Infice coccineò rutilantum pectora eqvorum  
Purpuream ut patulis exspirent naribus auram;  
Te roseas medicata genas, Tyriòq; madore  
Eos picta togam, & nitidos temone jugales  
Candidiore regens præcedat Lucifer, alba  
Sperati nobis volventes omina seclii.  
Tu viduas tandem vestes luctûsq;, perennem  
Illuviem longumq; situm, simulacra vetusti  
Abjice ROSTOCHIUM, & populum trabeata saluta.  
Jam liceat sperare diem post nubila, sudum  
Post pluviosq; Joves; melior jam gemmea nebit  
Auratò Lachetis tenui tibi pollice fusò  
Secula; dejectiq; DEO, surgemus eòdem,  
Supponenter manum, & prelli regnabimus olim.  
Qvid querimur tandem, summi qui magna Parentis  
Pars & cura sumus? quisnam hunc oblivia nostri  
Carpere posse putet, nisi qui mortalia casu  
Impius, aut nullo coelum inspectore volutum  
Fortunâ non arte regi, nullumq; Jehovam  
Dixerit? at pronus placidò non annuit ore  
Oblatis precibus: quoties tu dulce vocantem  
(Tecum habita) & proprium spondentem præmia Olym-  
Neglexti surdâ Dominum male sobrius aure? (pum  
Ne precibus parsis, iterumq; iterumq; rogatus



Annuet, atq; dabit, si duxerit utile, tempus  
Pileæ quò Varnus sumet, detritaq; liber  
Ad scrupulam parcente manu quò colla fricabit  
Cernere, & optatò plausu gaudebimus omnes,  
Ille, per has messes, hæc q; infelicia nobis  
Lustra, tamen nunquam voluit Ductore carere  
Hunc populum, Patribus plebem, Rectore Lyceum,  
Doctore aut cathedram. Quin & quævis morte beatâ,  
Has sedes migrare dedit, suffecit avitâ  
Virtute & studiis non ullâ ex parte minores.  
Ecce Tibi geminis junctò prope funere meritis  
Consulibus, trepidare urbem, mussare Senatam  
Aspiceres, tantum dignus quis Destina pondus  
Succollet, fractus morbis cui succubus Atlas  
Cesserat, & clavum dextrâ moriente remittens  
Cum vitâ curis vacuus transnaverat astra.  
Cum solitâ bonitate DEUS reparare lacunas  
Nutantemq; suo satagens sub pondere molem  
Restaurare jubet, Te STINTI aptare lacertos  
Alcides fracto ut succedas firmus Atlanti  
Æneas Palinure tibi, Juturna Metisse;  
Non faba Te fallax legit, non calculus albo  
Conspicuis signo, aut fulvo quæ fulgurat auro  
Sphærule; non sparsis vani subsellia vulgi  
Mercatus nummis; non duras blanda rogasti  
Prensando dextras supplex suffragia plebis,  
Sed DEUS & concursus Patriæ censura Parentum,  
Sed Pietas, sed prisca Fides, sed nescia falsi  
Pectora, sed longos Prudentia parta per usus.  
Consule Te lecto, ceu terras ultima quondam  
Liquerat, & cœlos vitiiis Astræa coacta


Cum

Cum coeloq; Jovem petiit, sic præpete pennâ  
 Prima redit, redeunt unâ Clementia natu  
 Maxima, quæ mediæ trepidantia frigora zonæ  
 Confociat flammis, longisq; incognita seclis  
 Relligio & Germana Fides, Verumq; profundo  
 Emergit puteo; rediit Rhamnusia pravis  
 Difficilis, facilisq; bonis; hæc tota Dearum  
 Læta cohors placidis ventorum adremigat alis  
 Et tua concelebrat merita præconia laude,  
 Diva Themis lævam cui lanx suspenderat æqua,  
 Dextera sed palmâ & gladiò splendente corusca  
 Fulgebat, mixtò cum majestate pudore  
 Mellifluò tales effudit pectore voces:  
 Consulibus junctum Te, STINTI, & jura daturum  
 Huic porrò populo, gratum est, summusq; *Jehova*  
 Hoc faustum velit esse diu populoq; saluti:  
 Tu nos digressas coelò, desueta subire  
 Tempa facis, Tua nos super æthera cognita virtus  
 Et niveus candor Tibi munera ferre coegit.  
 Accipito lancem, quæ nunquam pondera vara  
 Dissimulare potest, justò sacomate semper  
 Rem precio exæqvans, rectòq; examine verum  
 Et falsum ostendens; hac Tu jura æqua Qvirini  
 Distribues populo, pressumq; à divite egenum  
 Sustolles, causas justò libramine pensans.  
 Insuper hunc gladium capias, quem palma micantem  
 Investit; Magnò depressa ut pondere palma  
 Nititur in coelos mage cedere nescia, sic Te  
 Non æqvum est Patriæ curis succumbere, flecti  
 Vel precio aut precibus, sed justis præmia confer,  
 De pravis gladio nobis ultore parentans.

Nec Draco sis crudus cupio, strictæve rigorem  
Justitiæ docuisse velim, Clementia nostris  
Æstibus imperitat, Dominæ potiora monenti  
Velificare Tuæ, placidos nec spernito jussus.  
Summus enim sparsam toties si Jupiter æthram  
Contraheret. furvò demittens ignea coelò  
Fulgmina, id exposcunt quoties delicta malorum,  
Quæ tot tela manus, quæ tot fabricare cavernæ  
Arma Jovi possent? nunc unus sufficit illi  
Muciber, huic unò Lipate contenta camino-  
Nec quavis etiam positus regione polorum  
Tela trifulca vibrat, summâ sed ab ætheris arce:  
Dum piceas trahit huc nubes, dum fulmine claudus  
Muciber attrepidat, dum Vestam perpluit imber,  
Dum tonitrusq; movet, dum dextrâ librat ab aure  
Missile, laxatum fecit Clementia telem  
Ponere sæpe Deum. Constrictas Roma secures  
Esse suas voluit, vires quò carperet iræ,  
Adderet & veniæ spacium. Sic Te quoq; parva  
Si quando cæcò commissa est impete noxa.  
Negligere est melius, facilemve imponere mulctam.  
Pessimus ast si quis studiò malefacta peregit,  
Tunc mea sacra move, tunc credas esse verendæ  
Crudelem pietatis opus, tunc ense resecta  
Pars pereat putris, ne candida membra trahantur,  
En cape sis frenum, quò Te Rhamnusia dono  
Maectat, eò cunctos regito, motusq; popelli.  
Corrige flexanimi; hoc proprios tua sub juga mitte  
Affectus: nunquam proponens publica privis  
Commoda; synceram mentem non gratia flectit  
Non odia immutent; sed semper candidus æquam


Justi-

Iustitiam foveas; Merito sic præmia virtus  
 (Ceu coram Tibi cuncta, animum cape, promere possum  
 Nam lapides & saxa loquar, gazamq; malorum.)  
 Quæ dare cunq; solet, geniali deferet horreo.  
 Nec Tibi livor edax, nec falsò lingua susurrò  
 Percita detrectare ferò cum dente Theonis  
 Cessabit; dum Tu curis privata relinquis  
 Oppletus populi, lapidem hunc molimine versans  
 Assiduò, Spartam rectè exornare laborans,  
 Omnia dum facies, non ullum gratia factum  
 Laude vehet meritâ; sed Te vel publica curis  
 Postposuisse feret propriis, vel Jura subactum  
 Irarum atq; odii stimulis non æqua dedisse.  
 Despice Tu cuncta hæc mentis Tibi conscius albæ,  
 Futils erectus contemnens verbera linguæ,  
 Luca/uti bos muscas nescit, ceu Luna Lyciscæ  
 Lâtratum, & vacuos deridet in aere morsus  
 Candida per medios cœlorum volvitur axes  
 Semita, nocte patens clarâ, compacta minutis  
 Dicitur à vulgo stellis, hæc Lactea sanctos  
 Spiritus, æterni qui semper firma Tonantis  
 Fœdera, jusq; sacrum nexu coluere pudico  
 Excipit, hic ubi Te curis matura senectus  
 Exsolvet, (tardum hoc Patriæ opto) sede paratâ  
 Expectant populi Proceres functiq; Dynastæ,  
 Tunc croceus rictu livor pallente fruentem  
 Aère communi summe quem roserat, idem  
 Sedibus æthereis meritâ Te laude potitum  
 Evehet, & dicet, Fuit *Hoc Ter Consule felix*  
*Rostochium* Nunc Deæ; TE CONSULE FAXIT  
 ROSTOCHIUM DOMINUS FELICEM! En mitis IōVA  
 Annuit, & dextrò rata fœdera fulgure sancit!




Faint, illegible text, likely bleed-through from the reverse side of the page. The text is arranged in several lines and is mostly obscured by the paper's texture and discoloration.











1. Jun. Anno 1640. filia ejus primogenita MARGARETA  
que 18. Martii Anno 1641. subsequenti Epilepti-  
ca est. 20. Jan. Anno 1642. Pudicissima & optimis  
filia AGNISA & 17. Nov. Anno 1642. Ornatis-  
simis quibus solamen & benedictionem caelitus rogemus pro  
autem Spavissima MARGARETHA Eggers / absoluto  
in febris ardorem incidens, hoc puerperii tempore 22.  
Septembris, pie & placide obdormivit: Hinc per duos dies  
non potuit pra negotiis publicis rei familiari prospicere  
vota conjugalia transivit & cum Matrona Virtute & p  
CATHARINA Epelers. 3. Dec. Anno 1645. nuptias cele-  
berrimas, cui similiter gratiosam Dei consolationem  
sumus. Tandem Inclutus Senatorum Ordo, ob amplissima p  
publicam merita, honorem honori addere decernens  
te 31. Jan. Anno 1653. illum exornavit, & in locum  
Consulis praefuncti JOACHIMI KLEINSCHMIDT  
Postquam autem hoc tempore finito festo Natalitio, m  
quo diu erat fatigatus, Macaritem nostrum gravissime in  
Excellentissimorum & Experientissimorum DN  
PAULI Regia Maj. Dan. Medici aulici felicissimi &  
STEFERI P. P. & Archiatri adhibita quidem fuit in  
morbi vehementia omne medicamen respuens, ita p  
attrivit, ut inevitabilem ei attulerit ex hac vita migr  
Quod praesagiens DN. Consul omnes cogitationes &  
Reipublica bono intenderat, in calum per veram par  
de Christo Redemptore suo loqui maluit quam de muni  
propter Virum Plurimum Reverendum & Excellentis-  
SIMUM MAURITIUM, S. S. Theolog. D. P. P. & Superi-  
simum, Amicum nostrum honoratissimum, vocari jus-  
ti sacro ministerio praevia confessione S. cenam accepit  
& illorviatico instructus pia & placida morte ex ha  
patriam 8. Martii hor. i. pomeridiana Anni p

